

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-13214/18
Sarajevo, 03.08.2018.godine

Na temelju člana 64. stav (1) tačka b) najniža cijena, članova 25., 32. i člana 70. stav (1), (3) i (6), člana 123. stav (1) i (2) Zakona o javnim nabavkama ("Službeni glasnik BiH", broj 39/14), a u skladu sa članom 3. stav (3) Pravilnika o uslovima i načinu korištenja E-aukcije i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova Općinski načelnik, d o n o s i :

ODLUKU

o izboru najpovoljnijeg ponuđača u predmetu - Izvođenje radova na rekonstrukciji, sanaciji i proširenju ulice Džemala Bijedića u dužini cca 2300 m

I

Prihvata se preporuka Komisije za javnu nabavku radova i okvirni sporazum za javnu nabavku u predmetu - Izvođenje radova na rekonstrukciji, sanaciji i proširenju ulice Džemala Bijedića u dužini cca 2300 m, broj obavještenja 422-1-3-145-3-59/18 objavljenom u Službenom glasniku br. 46/18 dana 06.07.2018.godine i na Portalu javnih nabavki Agencije za javne nabavke BiH dana 28.06.2018.godine, dodjeljuje se ponuđaču EURO-ASFALT doo Sarajevo, sa ponudnom cijenom za okvirni sporazum u iznosu od 6.500.465,27 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o radu Komisije sa preporukom za dodjelu okvirnog sporazuma u spisu.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi okvirni sporazum i dostavi Općinskom načelniku na potpis.

IV

Konstatuje se da je ponuđač iz tačke I ove Odluke dostavio sve tražene dokumente koji su definisani slijedećim podtačkama tenderske dokumentacije:

- podtačka 3.1.3. tenderske dokumentacije, koji se odnose na član 45. stav 2. tačka od a) do d) Zakona;
- podtačka 3.2. vezano za obavljanje profesionalne djelatnosti ponuđača i
- podtačka 3.3. tenderske dokumentacije, koja se odnosi na ekonomsku i finansijsku sposobnost

S obzirom na navedeno, ponuđač se oslobađa naknadnog dostavljanja istih.

Obrazloženje

Postupak javne nabavke pokrenut je Odlukom o pokretanju postupka javne nabavke u predmetu - Izvođenje radova na rekonstrukciji, sanaciji i proširenju ulice Džemala Bijedića u dužini cca 2300 m br. 02/12-23-13214/18 od 14.06.2018.godine. Javna nabavka provedena je putem otvorenog postupka za dostavu ponuda br. obavještenja 422-1-3-145-3-59/18 objavljenom u Službenom glasniku br. 46/18 dana 06.07.2018.godine i na Portalu javnih nabavki Agencije za javne nabavke BiH dana 28.06.2018.godine.

Zapisnikom sa otvaranja ponuda od 20.07.2018.godine Komisija je utvrdila da je u ostavljenom krajnjem roku za otvaranje ponuda, blagovremeno i propisno upakovana dostavljena jedna (1) ponuda i to od strane ponuđača Euro-Asfalt doo Sarajevo. Zapisnik sa otvaranja ponuda dostavljen ponuđaču na fax.

Nakon što je Komisija utvrdila da je pristigla jedna ponuda, a da je za ovaj postupak bilo predviđeno provođenje e aukcije, u skladu sa članom 3. Pravilnika o uslovima i načinu korištenja e-aukcije stav (3), odlučeno je da se ovaj postupak okonča u skladu sa članom 69. tačka 1. stav a) Zakona.

Komisija je pristupila analizi i procjeni dokumentacije priložene uz ponudu Euro-Asfalt doo Sarajevo, te je utvrdila da je ista potpuna i da ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila i računsku kontrolu primljene ponude, te konstatovala da ista ima slijedeće računске greške:

- Na stranici 15 ponude – “9 Rezanje (frezanje) asfaltnih slojeva sa podnom dijamantnom pilom, debljine 6 do 10 cm...” stoji 36428 4,00 144.992,00, a treba da stoji **36428 4,00 145.712,00**,
- Na stranici 16 ponude – “SVEGA PRIPREMNI RADOVI” stoji 349.769,75, a treba da stoji **350.489,75**,
- Na stranici 20 ponude – “REKAPITULACIJA; PRIPREMNI RADOVI” stoji 349.769,75, a treba da stoji **350.489,75**,
- Na stranici 20 ponude – “I UKUPNO RADOVI NA TRASI 1-5” stoji 3.609.159,95, a treba da stoji **3.609.879,95**,
- Na stranici 20 ponude “UKUPNO RADOVI NA TRASI (I-IV)” stoji 3.590.159,95, a treba da stoji **3.590.879,95**.

Gore navedena računска greška, uticala je na iznos PDV-a tako da, nakon korekcije PDV iznosi 944.512,05, a ukupna cijena ponude nakon izvršene računске kontrole iznosi 6.500.465,27 KM sa PDV-om.

U skladu sa primjenom Zakona o javnim nabavkama, Komisija je dostavila ponuđaču akt kojim je traženo izjašnjenje na uočene računске greške. Aktom br. EA-IS-1815/18 od 30.07.2018.godine ponuđač je dao saglasnost na uočenu računску grešku.

Komisija je utvrdila da je pristigla ponuda veća za 465,27 KM od iznosa određenog u Odluci o pokretanju postupka javne nabavke (bez PDV-a procijenjena vrijednost nabavke iz Odluke iznosi 5.555.555,56 KM i sa uračunatim PDV-om iznosi 6.500.000,00 KM). Komisija je za potrebni dodatni iznos zatražila mišljenje od Službe za finansije aktom broj 02/12-23-13214/18- M 5 od 01.08.2018. godine. Služba za finansije je aktom broj 02/09-14-sl./18 od 02.08.2018.godine dala saglasnost na traženi dodatni iznos od 465,27 KM, te je na osnovu dobivene saglasnosti Komisija nastavila sa procedurom javne nabavke.

Za predmetnu nabavku provedenu putem otvorenog postupka dostavljena je jedna (1) ponuda, koja je računски ispravna i ispunjava kvalifikacione uslove date u tenderskoj dokumentaciji. Shodno članu 64. Zakona stav b), Komisija je pravilno i potpuno izvršila ocjenu zaprimljene ponude, shodno kriteriju najniže cijene (tačka 5.1. tenderske dokumentacije) i utvrdila da je ponuda ponuđača Euro-Asfalt doo Sarajevo, ocjenjena prihvatljivom sa ukupno ponuđenom cijenom za okvirni sporazum u iznosu od 6.500.465,27 KM sa uračunatim PDV-om.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o otvaranju ponuda i Zapisnik o radu i preporuka Komisije za dodjelu ugovora. Na osnovu gore navedenog, odlučeno je kao u dispozitivu Odluke.

Pouka o pravnom lijeku

Ponuđač/i koji su sudjelovali u postupku nadmetanja mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik

Dostaviti:

1. Ponuđaču/ima- učesniku/icima postupka
2. Služba za zajedničke poslove
3. A r h i v i / u spis

Općinski načelnik
mr. Semir Efendić